

四庫全書

史部

欽定四庫全書

史部

硃批諭旨卷二百三上

詳校官尚書臣德保

編修臣裴謙勛

總校官中書臣朱鈐

校對官典簿臣郭祚斌

謄錄監生臣陳際龍

欽定四庫全書

硃批諭旨卷二百三上

硃批查郎阿奏摺

雍正七年六月初四日吏部尚書署陝西總督

臣

查郎阿西安巡撫

臣

武格謹

奏為奏

聞事竊查陝省西安等屬四五兩月得雨日期分寸前  
經督臣岳鍾琪撫臣武格繕摺具

奏今豆麥俱已登場秋田及時播種需雨正殷之時

仰荷

皇上洪仁博濟上應

天心於六月初一日巳時起至初二日卯時止又於初二日申時起至初三日辰時止西安府地方甘霖連霈入土至一尺有餘現在濃雲四布雨意尚存而臣等細看雨勢得雨地方亦廣詢諸農民僉云秋禾正在發生得此時雨自必益加暢茂沉入土既



深地脉滋潤霑足將來秋成大有可以預卜此誠  
聖主仁心感格是以慶叶豐盈<sub>臣</sub>等謹將陝屬西安得  
雨日期分寸情形繕摺奏

聞伏祈

皇上睿鑒謹

奏

雨水情形欣悅覽之然必待秋成後方敢釋此懷抱也

雍正七年六月二十九日吏部尚書署陝西總督

臣查郎阿謹

奏為玩忽之習未除請

旨嚴飭以靖地方以安民生事竊臣恭荷

聖恩畀署川陝總督印務雖才識庸愚見聞未諳而於  
地方事務惟有加意慎重以期上報

洪仁今臣任事甫及一月凡各屬呈報事件臣留心檢

核如四川一省內人命姦盜等案具報累累其或  
捏冒職官或稱奉差員役以及越禮非分之案不

止一端推原其故惟因五方雜處其中姦良混聚致有不法之徒勾引藐法然若使保甲之稽查既嚴營汛之巡察不懈雖有姦民豈能縱逞此皆由文武各官漫無覺察鄉保汛兵悠忽偷安所致臣當卽嚴飭該管文武各官將保甲汛防事宜加意整飭復刊刻告示遍發陝甘川三屬通行曉諭查禁外但川陝相距旣遙甘屬地方亦廣文武屬員內奉職惟謹者固不乏人怠惰自曠者亦所必有

臣雖密訪查叅誠恐玩忽成習仰懇

聖恩特降

諭旨嚴飭各撫提諸臣務將保甲汛守之法實力經理  
通飭所屬各員不時稽查如再有姦徒潛住境內  
肆行不法將該管各官分別叅究鄉保汛兵嚴加  
懲處庶伊等咸知凜畏而於地方民生均有裨益  
矣理合繕摺請

旨伏祈

皇上睿鑒謹

奏

汝膺統轄之責保甲汛防各事宜且就汝意嚴飭該屬  
并移咨撫提諸臣互相查禁倘仍奉行不力據實奏聞  
再降諭旨

同日又

奏為奏明咨商情節仰請

聖鑒事竊查四川建昌涼山土司安承裔梗頑不法前

經撫臣憲德題叅究審嗣將安承裔審明抗玩情實擬以併將家屬遷徙江西地方安插部覆奉

旨允准欽遵在案今准撫臣憲德咨稱安承裔之父生子五人四子俱已早歿無子安承裔排行第五襲受土職將其所生二子均繼與伊長嫂沈氏次嫂大米氏為子無庸遣發其所遺土司事務議照河西土婦嶺氏令伊子安祥茂管事之例卽以安承裔之長嫂沈氏次嫂大米氏分管土務等情咨商

前來臣查涼山土族番民改土歸流事宜經督臣  
岳鍾琪議以附近州縣衛所者歸地方官管轄近  
營汛者令營汛管轄止於土民番人內擇其誠謹  
之人照內地之例充任鄉約保長稽查保甲經催  
糧賦之類竝未將不法土司之家屬復令其管理  
土務也再查部覆督臣岳鍾琪條奏內開河西土  
婦嶺氏竝無親支應遷入內地酌量安插給與房  
地存養自應照議料理因何忽有安祥茂稱為嶺

氏之子又復委管土務且備查舊卷竝無詳報之  
案至安承裔於官兵進勦涼山之時抗不發夫故  
違糧運今擬以遷往安插已屬寬典其所遺土民  
亟應改土歸流就近分隸管轄方於原議相符況  
沈氏大米氏繼嗣之子皆屬安承裔之遺孽更不  
便仍令分理土務致啓滋蔓之漸至於涼山土族  
番民旣已改土歸流奉有

諭旨分設郡縣增設營汛現今授職有人募兵充伍一



切番土人民俱在版圖之內尚何漢土之攸分復  
令土婦承領其事

臣

因撫臣憲德咨商情節均未

合宜隨卽咨令另為確查妥議俟至日再行具

奏外所有前項緣由理合繕摺

奏明伏祈

皇上睿鑒謹

奏

所見甚是凉山土司事務分管之議憲德殊屬錯謬之

極當密札斥責之

同日又

奏為奏

聞事竊查雍正七年二月二十五六等日督臣岳鍾琪  
節准署湖廣提臣岳超龍湖南撫臣王國棟密咨  
移稱據辰沅靖道王柔盤獲匪棍許英賢等供稱  
係張天師之叔張易珍令伊等四處捨藥誘惑哄  
騙併將同伴姓名以及行走省分串遊土司地方

逐一供明其原供內稱張子明現在四川敘州府  
劉惟和帶著兩箇徒弟亦在四川何子雲劉公俊  
李天華前往陝西等語粘單移會密拏經督臣岳  
鍾琪據咨密飭陝甘川三省地方官嚴查訪拏在  
案今於六月二十七日臣准四川提臣黃廷桂咨  
稱據威茂營叅將吳進寶報稱據所屬神溪汛兵  
王建盤獲捨藥遊棍四人解訊當卽詰問據伊等  
供稱一名江子文一名熊旌儒一名涂以寅一名

涂為安俱係江西南康府建昌縣人因天師母病  
差伊等往各處施藥等語隨將各犯所帶行李檢  
查內有印牌一紙係天師銜姓此外止有藥料衣  
服併些少銀錢不等當卽轉飭將江子文等四犯  
解交地方官員訊審併將原獲印牌移交撫臣各  
等因咨報前來臣隨將所獲四犯姓名與楚省原  
咨查對雖不相合但查辰沅靖道王柔原獲之許  
英賢等既已供稱託名捨藥今川省盤獲之江子

文等又以施藥為事且復執有印牌則前後供情  
如合一契而從前所供之遊走不法情節似非無  
因必須嚴訊確情庶姦徒不致漏網臣卽飛飭四  
川按察司詳細研審務得實情併令詳明撫臣憲  
德移咨江西撫臣嚴查有無給牌施藥情節咨覆  
定擬臣復密飭所屬不時稽查外所有川省盤獲  
匪棍情由理合繕摺奏

聞伏祈

睿鑒謹

奏

此事已據本省徹底審明悉屬子虛不須更加嚴訊但  
天師張慶麟因母患病而分遣無藉棍徒各省施藥是  
何道耶殊屬無知可笑之舉

雍正七年七月十五日吏部尚書署陝西總督

臣

查郎阿謹

奏為據實密奏恭請

聖鑒事竊查現任蒲城縣知縣朱閑聖才守可觀辦事  
勤敏緣同州知州任晟揀補鳳翔府知府送部引  
見所遺印務經督臣岳鍾琪檄委朱閑聖署理今任晟  
已經奉

旨准補鳳翔府知府回陝赴任其原管倉庫一切事務  
例應交代當經任晟分案造冊移交而朱閑聖亦  
卽接受盤查以便核報因查任晟交代冊內有歷  
年捐貯火藥鉛子在州署儀門外另房三間加緊

封貯朱閑聖因事關交代雖火藥不便細盤而鉛  
子自應秤驗因於六月十一日率領家人吏役將  
鉛子盤出空地秤至四千餘斤時已晌午朱閑聖  
回署喫飯令家人吏役在彼照看不意突見火起  
奔救無及在場之家人吏役俱已燒斃起火緣由  
莫可救詰其未經盤出鉛子三千斤封貯火藥二  
萬餘斤房屋三間焚燬無存現據朱閑聖願甘賠  
補併據布政司張廷棟等揭報前來臣查燒燬火



藥例有處分是以照例

題叅在案伏查朱開聖才具優長尚堪任使仰思

聖主愛惜人才至殷且切前奉

諭旨凡屬員中有小過者尚令教誨後改今朱開聖事

何云事出意外過本無心此非從苛求所生之災耶  
出意外過本無心可否寬免留任出自

皇上特恩非臣所敢擅請理合繕摺密

奏伏祈

睿鑒謹

奏

覽

雍正七年八月十二日吏部尚書署陝西總督臣

查郎阿謹

奏為恭謝

天恩事雍正七年閏七月初十日奉到

欽賜臣鮮荔枝一瓶當卽望

闕叩頭謝

恩祗領訖竊念臣駑駘下質樗櫟庸材蒙我

皇上豢養栽培至深且渥愧臣虛糜廩祿未效寸長今

又荷

聖恩遠注

頒賜鮮品銜感之下浹髓淪肌臣惟有勉勵犬馬之丹

忱上報

洪仁之高厚而已理合繕摺恭謝

天恩伏祈

皇上睿鑒謹

奏

言感言報皆屬末議地方休戚民生安危所關甚要將  
已身利害置於度外百凡順情循理勇敢為之方不有  
負朕之倚任也勉之

同日又

奏為奏

聞事雍正七年閏七月三十日准撫臣憲德咨准

欽差管理噶達廟工趙殿最等咨稱據孔薩頭人羅頂稟稱今有膽對番人領兵將我地方搶了一半又將我們圍困望大人們將我信子上的話說與化林協等處發兵前來救我等語查我等並無管轄地方責任且不能知其情形始末但既據具稟前來除一面飛差明正土司保保前往勸止外理合咨明等情轉咨到臣臣查膽對番人甫經投順因何又復逞兇劫掠孔薩其是否係膽對番族何故

起釁緣由臣飛飭駐劄裏塘重慶鎮臣任國榮署  
化林協副將許連科就近確查勸諭解釋併將為  
首不法之人查拏究處復咨會撫提二臣轉飭撫  
緝去後又准提臣黃廷桂咨同前由併聲明已移  
行鎮臣任國榮等確查安撫等情與臣所飭辦理  
情節俱屬相同今又據提臣咨據署化林協副將  
許連科呈據孔薩頭人羅頂稟稱有呷呷併呷呷  
的兒子又有賈呷七立賈各扎什平白羅桑結六

箇人從前說我羅頂不好要害他們都跟著喇嘛  
往藏裏去了後有

欽差周等進藏到甘咨的時節我曾稟過蒙

欽差到了藏裏就吩咐喇嘛將他們打發回來不想呷  
呷等投往膽對領了他們的三十多人躲在甘咨  
寺裏引的兵來占了我的地方我的人少與他打  
不過仗求叫章谷竹窩藤子三家的人來幫我繞  
好再喇嘛昂旺是我的兄弟他坐寺院只管得喇

嘛別的事他如何管得那呷呷等六人不是好人  
他說的話求吩咐嘛不要聽他等語查羅頂所  
稟情詞兩相互異除復行確查外合再咨明等情  
臣查孔薩頭人羅頂稟報情事雖兩不相符而察  
其原委皆由本族番人積有夙嫌勾引膽對不法  
之人以圖報復卽據羅頂所稱喇嘛昂旺係伊手  
足今繹其詞意不無彼此參商因而呷呷等藉此  
滋事臣思邊防以寧謐為重不便聽其自相凌併



轉生事端隨復移行提臣黃廷桂等查明化誨各  
安住牧外理合

奏明伏祈

皇上睿鑒謹

奏

邊防固以寧謐為重然亦豈可養姦遺患要當查明原  
委示以勸懲毋致滋蔓難除也

同日又

奏為據報奏

聞事竊<sub>臣</sub>於雍正七年二月內自西藏回至裏塘適遇  
管理軍糧之邠縣知縣羅國珠口稱昨因進勦膽  
對官兵所需口糧運送接濟行至擦馬所地方被  
賊番劫奪傷及土兵今軍糧關係緊要若不派兵  
護運恐致遲誤<sub>臣</sub>隨選撥陝省健兵五百名將糧  
石鉛藥押送高奮志軍營當經

奏明在案及<sub>臣</sub>署理督篆之後據邠縣知縣羅國珠

報稱二月內被劫軍糧一案細加挨查據擦馬所  
頭人澤隆奔惹等回稱劫糧賊番係膽對夾壩他  
們將劫的糧石烏拉沿途拋棄如今我們檢得炒  
麪七十四石烏拉牛五十一隻等情今又據駐劄  
裏塘重慶鎮臣任國榮報稱據裏塘土官昂邦稟  
稱擦馬所原係膽對番族改歸裏塘管轄素性本  
非馴良今土官傳喚頭人查詢乃伊等抗不出見  
又將原收炒麪牛隻私自食用止交出炒麪五十

五石牛三十六隻及差人詰詢竟至出言無狀且訪知劫糧賊番卽係擦馬所番人等語隨令遊擊常力行卽於燭燈納駐防地方就近差員調喚擦馬所頭人澤隆奔慈等查詢情節詎竟糾集番衆堆放木石負隅抗拒若不整兵懾服恐致長姦貽患隨派撥守備康國泰等併裏塘營官昂邦共帶領漢土官兵二千餘名分路前進搜捕不法賊犯併頭人等審明究擬等情呈報到臣臣查賊番從

前劫奪軍糧茲又糾衆抗拒梗頑悖化誠難姑容  
依汝如此見解遲誤機宜必不能免且使得以多結羽

但事關軍務機宜未經

翼小事釀成大患俱未可定凡事不論應行與否但以  
奏明請

未經奏明決斷是非則汝胷襟狹隘擔當怯懦不能勝  
旨卽行遣兵前進殊屬急遽今官兵旣已派撥前往似  
任可知矣朕甚憂之

不便復行撤回

臣

因密飭鎮臣任國榮飛飭領兵

備弁先將官兵整嚴臨境宣示

聖主恩威明白開導令其將劫糧為首賊番查明擒獻

其所少糧石牛隻照數賠補併令頭人等至營出

具不敢生事甘結斟酌綏輯料理不得惟恃兵威  
妄加勦殺倘果冥頑不服亦當相機措置毋致輕  
忽玩事除俟事竣之日另行具

奏外理合繕摺奏

聞伏祈

睿鑒謹

奏

覽

同日又

奏為欽奉

上諭事竊臣前因署同州知州事蒲城縣知縣朱開聖

焚燬鉛藥一案繕摺具

奏欽奉

硃批諭旨臣跪讀之下仰見我

皇上以大公至正為懷

鑒照無私惟臣

此等語向朕甚厭觀自甘庸愚在汝或才識庸愚見不及此臣因思各州縣每

可朕以三省重任付庸愚則朕之庸愚更甚於汝矣  
年捐貯鉛藥一項銀數無幾經手之員必不致有  
為大臣者一言一行當加詳審豈可復作曩日旗員之  
虧空況同州鉛藥旣已建房封貯則更無虧缺可  
形態耶

知乃朱閑聖因接授交代竟於炎天酷暑之時啓  
封盤驗以致焚燬鉛藥燒斃胥役是朱閑聖之急  
遽疎忽誠如

聖諭皆由苛求所生之災今臣因朱閑聖之事由此類  
推益加凜惕惟有恪遵

上諭務期事合公平不刻不苛以仰副



聖主訓迪之至意而已臣謹將原奉

硃批諭旨繕摺恭繳伏祈

睿鑒謹

奏

覽

雍正七年九月初七日吏部尚書署陝西總督臣

查郎阿謹

奏為勦撫事竣據咨奏

聞事竊臣前據駐劄裏塘重慶鎮臣任國榮報稱擦馬所姦番收貯軍糧炒麪烏拉牛隻任意侵蝕而頭人澤隆奔慈又復抗調不出其所屬逆番竟敢糾衆抗拒隨派撥將備弁員帶領漢土官兵二千餘名分路前進搜捕情由經臣繕摺奏

聞今准四川撫臣憲德咨稱八月初一日准鎮臣任國榮咨據派領漢土官兵遊擊常力行呈稱職等於七月二十七日起程分兵進剿於閏七月初一日

抵擦馬所上溝寨子賊番嘯聚碉房放鎗拒敵經  
我兵奮勇爭先運柴焚燒連破碉房五處殺傷賊  
人百十餘名陣亡兵丁二名帶傷官兵二十二員  
名初二初三等日仍令各兵火攻又被我兵鎗礮  
打死賊番一百數十人正在督兵前進有數十番  
人各牽牛馬俯伏道傍內一人口稱係頭人澤隆  
奔慈今見官兵殺死夾壩我們喜歡故來投誠情  
願賠還他們搶的糧石烏拉我們照舊當差獻納

戶口不敢做夾壩等語詰其從前為何抗調不出  
據供那夾壩們不好我若出來他們先要殺我故  
此不敢出來那日劫去糧石是下溝地方做夾壩  
的人就是禁在裏塘那兩箇為首之郎結扎什索  
浪結壩再偷喫糧石是惹我扎希陳披他兩家住  
在上溝今上溝碓房都被官兵燒燬逆番們已被  
鎗礮打死等語據此卑職隨收兵劄營繕文具報  
間又據守備陳云蛟報稱閏七月初二日抵擦馬

所下溝寨子賊番恃險拒敵我兵用火攻燒連破  
碉房數處殺死賊番無數陣亡兵丁二十二名帶  
傷十八名正在督兵前進於初四日辰刻有番人  
男婦七十餘名口跪哭道左稱係良民情願認賠  
糧石烏拉服裏塘管轄永不敢做夾壩等語相應  
收兵劄營具文請示等情呈報到職理合一併呈  
明等情到鎮查劫糧為首夾壩郎結扎什索浪結  
增現獲裏塘業經取供梟示正法今澤隆奔慈等

旣稱竝未行劫願賠糧石牛隻哀訴投誠似應允  
其歸順住牧當差其澤隆奔慈所賠糧四百六十  
四石三斗如數交明糧務官還項烏拉三百三十  
七隻發還原雇主收領所有勦撫事竣撤兵回至  
裏塘緣由併漢番戶口甘結各一套等因移咨前  
來相應轉咨等因到臣查鎮臣任國榮一切辦  
理頗合機宜除移行撫提二臣暨鎮臣任國榮就  
近綏輯妥協併令將陣亡帶傷漢土官兵姓名查

明造冊送部外所有勦撫擦馬所事竣緣由理合

繕摺奏

聞伏祈

皇上睿鑒敕部施行謹

奏

此奏交部錄存矣其應加賞恤之漢土官兵人等俟造冊到日照例賜給

同日又

欽定四庫全書

殊批諭旨

卷二百三上

王

奏為遵

旨具奏事雍正七年八月二十八日西安副都統臣蘇

穆爾吉向臣密宣奉到

硃批諭旨常色禮不妥協處朕已有訪聞轉諭查郎阿  
令其知之將爾此奏併朕所降諭旨亦俱密以告之  
昨六七兩月間西安一帶旱甚以致秋禾歉收伊為  
何不行奏聞欽此臣當卽跪聆欽遵正與副都統臣  
蘇穆爾吉密商原奏情事又於九月初一日奉到



硃批將軍臣常色禮奏摺欽奉

諭旨查郎阿等看訖遵照批諭施行將摺交常色禮家

人持付常色禮看欽此臣遵將

硃批諭旨備細跪讀仰見我

皇上訓示周詳無微不至今臣欽遵

諭旨與蘇穆爾吉等逐條曉諭禁飭辦理妥協另行奏

聞以仰副

少涉善柔冀邀小人虛譽如常色禮之負恩無恥斷然  
聖主教育之至意再臣伏查陝屬地方今歲夏月雨水

不可

情形自六月初二初九十七等日得雨之後正逢  
暑伏炎烈旬日未雨漸有旱意卽七月十五日以  
前雖間有微雨亦不透足至七月十六日大雨竟  
日以後雨水連綿秋禾望雨尚屬及時惟西安府  
附城四鄉三四十里之內從前缺雨較他處稍甚  
至各州縣境內有得雨露足亦有得雨未透併秋  
禾旱暵之處均有不等然臣曾差人遍訪並未成  
訪不成災遂不具奏必訪已成災始行奏聞據何則例  
災是以未經具

具何意見而云然耶殊屬謬妄之至由此觀之汝將在前

奏再

臣

前接大學士公馬爾賽等來字欽奉

京目覩朕之居心行政及屢次訓諭之旨已皆遺忘矣

諭旨將各屬收成

分數據實奏報

臣

當卽欽遵在案今

秋禾不日登場臣現在分路確查統俟收穫事竣

臣將各屬收成分數據實分晰繕摺恭呈

御覽所有副都統臣蘇穆爾吉向臣密宣

諭旨事宜臣謹遵

旨具奏伏祈

皇上睿鑒謹

奏

覽

雍正七年九月十八日吏部尚書署陝西總督

臣

查郎阿謹

奏為欽奉

上諭事竊

臣

前據駐劄裏塘重慶鎮

臣任國榮呈報派

撥漢土官兵進勦擦馬所賊番一案經

臣

繕摺具

奏今奉

硃批諭旨依汝如此見解遲誤機宜必不能免且使得  
以多結羽翼小事釀成大患俱未可定凡事不論應  
行與否但以未經奏明決斷是非則汝胸襟狹隘擔  
當怯懦不能勝任可知矣朕甚憂之欽此臣跪讀之  
下實切悚惶戰慄查擦馬所賊番將軍糧等項竟  
敢劫奪於前今復抗拒於後鎮臣任國榮派兵進  
剿誠如

聖諭乘其羽翼未成速為翦滅不致遲誤機宜乃臣見

識疎淺以為未經

奏請不便遽行加兵則臣之不能擔當上厯

聖憂臣愆實無可逭今蒙

聖主洪恩訓諭周至臣益悚切中心惟有推類擴充痛  
自改革凡遇應行事務卽斟酌辦理合宜下盡職  
分之所當為上報

洪仁於萬一而已今擦馬所賊番仰仗

天威遠播刻期報捷臣已於九月初七日具摺奏

開所有奉到

硃批奏摺理合恭繳伏祈

皇上睿鑒謹

奏

極力振作最為要務大抵一切番衆無有不畏服岳鍾琪者今使知陝省又來一岳總督諸凡易為彈壓耳若稍露將就省事怯懦求安形態被其窺破各處乘隙而起則汝將不勝其料理矣示以風厲何容刻緩思之勉

之

雍正七年十月初五日吏部尚書署陝西總督臣

查郎阿謹

奏為遵

旨具奏事竊臣於雍正七年七月初五日准寧遠大將

軍臣岳鍾琪移送摺奏川省復設雙流等縣治一

案欽奉

硃批諭旨甚好交與查郎阿徐徐斟酌辦理奏聞欽此



臣當卽欽遵復行四川布政司等確查議報去後  
嗣於雍正七年八月十三日據四川署布政司呂  
耀曾等議詳前來臣正在遵

旨確核具

奏間隨於八月十七日准撫臣憲德移送會題案件  
到臣內有復設雙流等一十四縣會題稿一件會  
題簿一本又向臣致札云因入闈在即一切會題  
事件俱於八月初六日拜疏等語臣思地方事務

凡應會題者例應移商明確書題咨送至日方行  
題報再查現今會題事件如係已經拜疏者卽於會  
稿內註明日期若係未經拜疏而止移送書題者  
稿內年月下不註小日今撫臣憲德移送復設雙  
流等縣會稿內年月下並未註寫小日其是否亦  
在

題報之內無從確知是以臣不便書題一面札詢撫  
臣一面將復設事宜密行諮訪今於九月二十八

日又准撫臣憲德札稱復設雙流等縣一案已經  
拜疏等語臣查此案係督臣岳鍾琪

奏明奉

旨令臣斟酌辦理之事雖撫臣自行具題臣謹遵

旨確查如重慶府屬原裁歸併涪州之武隆縣歸併銅  
梁之安居縣夔州府屬原裁歸併梁山之大昌縣  
現今糧輕事簡俱能兼顧誠可無庸復設至復設  
之雙流縣崇寧縣彭縣彰明縣羅江縣大足縣璧

山縣定遠縣新寧縣大寧縣安岳縣彭山縣青神縣威遠縣此一十四縣應設知縣典史併裁汰驛丞改撥訓導添設教職各事宜與署布政司呂耀曾撫臣憲德原詳原題情節俱各相符惟查入學名數撫臣疏內尚未議及臣思縣治雖請分設而人文原有定額似應仍照原進額數分入兩學庶於學校不致冒濫至於出貢食廩補增併汎防弁兵數目統俟部臣將復設事宜定議請

旨允准之日

敕交撫臣學臣提臣分別妥議

題請其建造城垣衙署倉庫學宮祠宇營房監獄併

官役俸工等項應令撫臣於奉

旨准咨至日將應需銀兩確估酌核

題請部撥以資辦理所有川省復設雙流等一十四

縣事宜併撫臣憲德徑行

題報情節臣謹繕摺具

奏伏祈

皇上敕部彙議施行謹

奏

復設縣治一事前據憲德奏到已交部覆有旨內設學  
一節既未經議及汝等應行會疏補題至於入學名數  
但當詳查原案若經裁汰則宜照復如係歸併祇須將  
原數撥回奚庸更為定額不然與張楷分縣增額之舉  
何異其詳慎為之勿因欲沽一時之譽而越例妄請

同日又

奏為倉儲所關綦重謹陳末議恭請

聖鑒事竊查陝屬西延鳳漢四府乾華同耀邠商鄜葭  
綏德興安等十州所屬倉貯各案糧石統計一百  
三十餘萬石有奇雖經漸次易穀貯倉而出陳入  
新亦當按年易換以免浥耗之慮今歲陝撫臣武  
格蒞任之後以倉糧恐致虧空止令出糶解價秋  
收即可買穀還倉若仍照例出借則不肖官吏影

射侵蝕易於滋弊隨經武格檄飭在案臣因思倉糧既有存七糶三存七借三之例今撫臣止議出糶不令出借似與借糶兼行之本意不相符合是以臣將陝屬地利民情以及應糶應借之處密行察訪統計可以出糶地方止在十之二而出借之區居十之八因再四思維弊端固宜剔除民食亦須酌計伏查各州縣徵解地丁支給工食有責令同城教職武員監拆監散之例今陝屬倉糧之出



糶出借臣請嗣後亦倣此例令同城教職武員監

糶監借則事異理同諸弊可以覺察而於

國計民生均有裨益但臣知識短淺是否有當理合

繕摺具

奏倘蒙

聖主鑒允或臣另行具

題或即將臣摺

敕部定議之處恭請

訓旨遵行為此謹

奏

所奏是照此具題候朕酌奪武格執拗悻悻於斯益可  
槩見從前屢經訓誨朕辭時又復諄諄面諭凡事再四  
講求必深知灼見而後決定行止方可久遠遵循無礙  
不謂粗率自用仍復如故舉動若是而欲俾屬員心悅  
誠服豈可得乎將朕此諭令其詳閱明白回奏

雍正七年十一月初四日吏部尚書署陝西總督

臣查卽阿西安巡撫臣武格謹

奏為恭報秋禾收成分數仰祈

聖鑒事竊照陝屬今歲秋禾俱已登場行據西安布政使張廷棟將各屬收成分數彙報前來臣等查西安延安鳳翔漢中四府直隸乾華同耀邠商鄜葭綏德興安等十州所屬各州縣秋禾收成自十分九分八分以至七分六分五分不等米糧時價西安省城粳米每斗價銀一錢三分五釐零粟米每

斗六分六釐零小麥每斗五分六釐豌豆每斗四分五釐零大麥每斗三分一釐零黃豆每斗七分其餘各屬之糧價亦多相彷彿所有陝省四府十州所屬州縣秋禾收成細數臣等遵

旨謹詳晰臚列另單恭呈

御覽伏祈

皇上睿鑒為此謹

奏

數年來陝省從未至如此薄收汝二人當極加修省檢點政刑西北地方冬雪最與來歲禾麥有關更宜竭誠祈禱以慰民望然不能確秉公忠之念感格

神明徒以利害私心從事亦難期徵應也

吏部尚書署陝西總督臣查郎阿謹

奏為奏

聞事竊臣於前奏欽奉

上諭事摺內荷蒙

皇上硃批極力振作最為要務大抵一切番衆無有不畏服岳鍾琪者今使知陝省又來一岳總督諸凡易為彈壓耳若稍露將就省事怯懦求安形態被其窺破各處乘隙而起則汝將不勝其料理矣示以風厲何容刻緩思之勉之欽此臣跪讀之下仰見

聖主訓諭誨勉至殷至切伏念川陝重地督臣岳鍾琪仰遵

聖謨指示動合機宜是以諸番畏服臣蒙

聖恩畀署督篆地方大小事宜雖各有成規可以率循  
第節制三省巖疆責任何等重大而邊圉關係尤  
資彈壓今勦撫擦馬所賊番事竣情由臣前已另  
摺

奏報而諸番部落衆多必使威行邊境遠近番情各  
知警惕莫不誠心輸服則封疆寧謐諸事易於辦  
理何敢稍存將就之見以滋事端臣欽承

訓旨益切凜遵惟有推廣

聖主德威加意奮勉振作有為以仰答

洪恩於萬一而已所有原奉

硃批奏摺理合恭繳伏祈

皇上睿鑒謹

奏

亦何須特意振作但不令所屬以汝為怯懦畏事苟且  
將就之人則不期其為而有為矣

同日又



奏為奏

聞事竊查西大通鎮屬測爾兔地方應設遊擊一營馬步兵八百名前經督臣岳鍾琪

題明俟測爾兔城垣衙署營房工竣之日將原派裁撥涼州西寧等處各標協營路馬步兵丁搬移駐劄其應設遊擊等官揀選

題補等因在案今測爾兔城工建築已竣臣准署大通鎮印務提臣馮允中甘提臣宋可進各將移駐

兵丁事理咨商前來臣查測爾免地方乃口外新設之區既無附近村莊又未屯墾種植況時值隆冬即有負販亦不能於此時赴彼貿易且其地相去西寧頗遠一切食物往來購買亦不甚便再領兵之遊擊等官臣現在揀選

題請似不便先令兵丁移駐臣因照署鎮臣馮允中之議先於鎮標酌派弁兵攜帶口食前往測爾免看守衙署營房俟明歲三月內天氣融和將原派

馬步兵八百名照大通鎮標白塢川營兵丁移駐之例按大小口數程途遠近給與車價口糧銀兩同家口搬移居駐仍照督臣岳鍾琪原議令移駐兵丁子弟屯墾試種再加天氣和暖商賈往來利便且官兵既已屯駐其一切貿易之人亦必相率漸聚日用有資於兵丁誠有裨益臣一面咨會提臣宋可進即照署鎮臣馮允中所議辦理併將應設遊擊守備千把等員揀選分別

題咨請補外理合繕摺奏

聞伏祈

皇上睿鑒謹

奏

應如是辦理者值茲內外一家邊隅寧謐之時原不必  
急遽從事也

同日又

奏為奏

聞事竊查陝屬州縣標營分餵軍需正騾一萬一千五百頭係明春拽運糧車出口之需最關緊要臣前准寧遠大將軍臣岳鍾琪移咨令將分餵騾頭加意餵養臚壯於七八月間解交甘屬收餵隨卽通飭所屬務須餵養臚壯臣復不時委員查驗期於臨時適用嗣於閏七月內軍需馬匹俱已解送起程卽照揀馬兵丁原站將騾頭分起解送除固原分餵騾三百頭係甘屬地方無庸再解外其陝屬

分餽正騾一萬一千二百頭併隨解餘騾各案陝  
甘近便境壤分作南北兩路遴委文武官員詳慎  
挑驗小心解送其北路者解交平涼慶陽臨洮等  
府屬收餽南路者解交鞏昌府屬收餽各在案及  
北路應解平涼等府騾頭事竣據驗解文武各員  
彙冊造報臣按冊查核統計北路解交平涼慶陽  
臨洮三府屬收餽正騾餘騾共五千四百一十四  
頭冊內註有微癘微病者一百九十五頭臣思驗

解之時既有微癘微病騾頭自應卽行挑退令原  
餵官更換好騾驗解何得含混解送臣正在飭查  
間又據北路解騾各員繳驗批迴內平涼等府收  
騾之員已於批上註明癘病字樣臣卽嚴飭驗解  
文武委員同原餵官照數速買壯健好騾自備草  
料人夫解送平涼等屬更換至南路解交鞏昌府  
屬收餵正騾餘騾共五千八百六十五頭據驗解  
之文武大員知府任晟等各冊造內開俱係足臚

壯健好騾及解至鞏昌亦俱照數驗收各給有批  
迴在案嗣於驗收之後節據驗收騾頭之鞏昌府  
知府高夢龍報稱陝屬南路解到騾頭逐起驗收  
分餽內有臃瘦腿跛流鼻眼霧咳嗽瞎癰流淚吐  
沫烙疱疹痘肺病五攢等症之騾共五百八十六  
頭又漢中府病騾二十一頭詳令陝屬原餽官另  
買好騾補換等情臣隨嚴飭西安布政司張廷棟  
等飛調驗解各員並解騾各官訊取確供詳加查



核以憑嚴行叅究著落補換去後今據鳳翔府知府任晟等向臣面稱西鳳二府騾頭俱係足臙健騾驗明解送現據解官劉方夏等掣有迴批竝未填註病癘字樣或因長途擡送有減臙跛蹶生症等事但鳳翔至鞏昌府屬之清水縣交騾地方止有五站何至有病廢騾頭如許之多如果有如許病廢騾頭卽應於迴批上逐一註明以便查明陝屬原餉各員名下勒令買補更換何以驗收之時

竝不填註俟給發迴批收餽之後始以病廢詳報  
顯係捏飾等語復據解官劉方夏白文炳等報稱  
所解騾頭俱係臚壯好騾交鞏昌府驗收現掣批  
迴炳據實無疲瘦病廢之騾至職等交收起身之  
後忽又報有病廢等騾不知是何緣故等語臣思  
驗解與解送各員既稱實係壯健好騾且程途不  
遠時日又近何以騾得病證者竟多至五百餘頭  
既有如許病騾何以當時遽出印結收管且於批

迴上竝不填註明白或知府任晟及原解官劉方  
夏等係屬一面之詞而鞏昌府知府高夢龍所報  
情節亦難偏信軍需重務必須根究明確方可責  
令應行賠補之員更換臣隨卽飛移撫臣許容就  
近確查一面密飭在蘭協辦軍需之西安驛傳道  
趙挺元前往鞏昌秉公察驗去後頃准甘撫臣許  
容咨稱解甘騾頭誠如來洛必須確查明白方見  
持平慎重今雖檄委分查但恐文員不諳又啓日

後推諉之端且不特鞏昌一府應查卽平慶臨三

府騾頭亦當遴員委驗令

臣

於陝甘二屬各派武

職二員分路秉公查驗等因

臣

隨卽遴委副將遊

擊等員分路查驗俱令其每至一處將所餽騾頭

確加驗看如有病廢不堪者卽查明陝屬原餽地

方官弁所造冊內之毛片口齒號數立卽飛報以

憑嚴飭原餽官弁星速購買壯健好騾自行解送

補換再延安府屬州縣標營分餽騾頭內尚有未

解驪九十七頭據委驗之延安府知府徐洹瀛署  
宜君營叅將劉可德驗報冊內註有六分臚五分  
臚兼有三四分臚者臣思此項驪頭分餵半載有  
餘因何止有三四分臚息明係經餵員弁或餵養  
玩忽或扣蝕草料均未可定臣卽飛飭速買健驪  
驗明補解仍令確查驪頭疲瘦最多之處將原餵  
之員指名揭報叅處庶於軍需責守可以整飭詳  
慎卽現今甘屬收餵驪頭各員亦咸知儆惕承辦

矣所有陝屬解甘收餽騾頭節據報有病廢現今  
委員查驗飭令買換補解各緣由理合繕摺奏

聞伏祈

皇上睿鑒謹

奏

此項騾頭乃運送軍糧所需攸關甚鉅若但以錢糧為  
重下僚是諉加之叅處責令賠補彼固難辭而於汝遲  
誤軍機身家性命干繫究莫能解也竭力辦理必期無

誤為要至於應叅應賠之員何妨徐徐查議耶覽奏深  
為憂慮汝其詳加審度毋忽

雍正七年十一月十六日吏部尚書署陝西總督

臣查郎阿謹

奏為奏

聞事竊查陝省解赴甘屬接餉軍需騾頭前據甘屬驗  
收各員呈報內有疲病生證之騾共八百二頭經  
臣將節次嚴查併檄委武員星赴甘屬分路查驗

著落賠補買換各緣由繕摺

奏明今於十一月十二日又據鞏昌府知府高夢龍  
報稱陝省解來騾頭據解官劉方夏押解頭運第  
一起騾三百餘頭到清水縣地方卽公同解官劉  
方夏清水縣知縣張昌裕併牙行獸醫等眼同看  
驗如有病證騾頭卽報明口齒毛片註明係何病  
證登記號簿卽將收過若干驗明有病無病若干  
具文通報計南路解送之騾共十八起至九月十



四日收完每起俱照第一起劉方夏驗收之法隨  
驗隨收隨報如驗騾之時若係好騾妄報有病解  
官何不立時質證而默無一言似此軍務重事安  
敢疎忽朦蔽所以逐細分晰註明將有病證騾頭  
一併驗發各州縣餵養者因念陝甘雖屬兩省而  
軍需則係一體或因長途解送偶得病證自今年  
八月餵養起至來年二月底止尚可冀其調治痊  
愈以期無誤竝無捏報等情據此臣復飭令西安

布政司張廷棟等嚴訊劉方夏等確供去後惟是  
軍需騾頭關係重大甘屬所報既有如許之多則  
從中疲病者亦必不少若俟查驗之後再行著落  
買補更換則往返需時轉瞬明春為期甚迫勢不  
能餒養臆壯恐難以拽運所關非細不得不預為  
籌畫因與撫臣武格酌議先動撥司庫銀一萬四  
千兩星速採買壯健好騾一千頭上緊餒養預備  
俟委驗各員呈報到日卽一面按所報之數逐起

解送補換一面查明應行賠補之員將所買騾頭  
價值併餵養草料銀兩俱在各員名下照數勒追  
歸還原款所有病騾仍令各員領回庶不致臨事  
周章似於軍需有益除就近檄飭辦理軍需之布  
政司張廷棟按察司碩色等卽照數發銀務須購  
買壯健好騾預備外事關動用錢糧臣謹會同撫  
臣武格繕摺奏

聞伏祈

皇上睿鑒謹

奏

迭覽所奏知汝等辦理必不能妥協已特遣部臣赴陝命其來往稽察矣

雍正七年十一月二十二日吏部尚書署陝西總督臣查郎阿西安巡撫臣武格謹

奏為恭報陝屬得雪日期分寸仰請

聖鑒事竊查陝省各府州所屬地方於八月內民間播

種二麥之後自十月十五日以前雨水調勻土膏  
滋潤麥苗俱已秀發而延安府屬并各州屬於九  
月二十二二十四十月初五等日皆得雪三四寸  
今於十一月十五十八二十二等日西安等  
各府州屬連得瑞雪入土七八寸不等現在同雲  
密布得雪尚不止此是誠

上天鑒錫以孚我

皇上重農愛民之至意也除以後得雪情由另行續為

奏報外所有陝省各府州屬得雪日期分寸

臣等謹

繕摺具

奏伏祈

睿鑒謹

奏

朕為陝省農田雨雪夙夜廋念延安等府既於九月內得霑膏澤乃復隱而不奏殊不解汝等具何肺腑也

雍正七年十一月二十六日吏部尚書署陝西總

督<sub>臣</sub>查郎阿西安巡撫<sub>臣</sub>武格謹

奏為奏

聞事竊查陝屬各府州地方今冬得雪日期分寸<sub>臣</sub>等  
於十一月二十二日繕摺具

奏今卽於二十二暨二十四五連日雪霰交集入土  
至五六寸不等<sub>臣</sub>等訪詢農民據稱冬雪愈多愈  
好今得雪之時竝無風力飄捲雪皆凝積在地於  
麥根更屬有益等語所有陝屬續經得雪日期分

寸緣由合再繕摺奏

聞伏祈

皇上睿鑒謹

奏

覽接續得雪情形地氣諒已沾潤陝屬可無乾燥之虞  
矣但甘省未據報到尚在懸念

雍正七年十二月十一日吏部尚書署陝西總督

臣查郎阿西安巡撫臣武格謹



奏為遵

旨議奏事竊查督臣岳鍾琪前准部咨欽奉

諭旨目今各省內或有尚未分給養廉之員著各省督撫悉心商酌一面辦理一面奏聞欽此當卽通飭欽遵隨經督臣岳鍾琪將甘屬河西各官養廉公費酌議具

奏而甘屬河東各官養廉公費亦經撫臣許容會議具

奏惟陝屬應給首領佐貳雜職等官養廉公費以及  
應增應減各數目初據西安布政司張廷棟查議  
具詳督臣岳鍾琪以所議未協逐一指駁行令妥  
議嗣據該司更議具詳適督臣岳鍾琪起程西進  
隨將卷案帶往蘭州俟核明主稿會

奏及統兵擇吉出口之後因軍務殷繁復將核明原  
案移回令臣等核議辦理具

奏今

臣

等悉心詳核統計陝屬尚未分給養廉之首

領佐雜等官共一百四十二員每年應給養廉公費共銀一萬零六百兩又直隸知州十員有統率屬縣盤查倉庫與府屬知州不同今於原給養廉六百兩之外每員每年增給養廉銀四百兩共應增銀四千兩再西安府管糧通判今改為水利通判稽查涇陽等五縣之水利往來行走必須給以公費應照寧夏水利同知之例每年給公費銀三百六十兩又按察司衙門為刑名總匯原給吏書

飯銀二百兩誠屬不敷今增給銀二百兩以上每年共應增給養廉公費飯食等銀共一萬五千一百六十兩再查原給布政司養廉銀一萬四千兩前據布政司張廷棟議稱每年領銀一萬兩儘可敷用應減去養廉銀四千兩又原給榆林神木漢興三道每年公費銀五百兩惟西安驛傳道議給公費銀一千兩今查驛傳道事務不繁應減去公費銀五百兩與各道公費俱屬畫一再原給西安

府每年公費銀二千兩較之各府五百兩之數逾額三倍前據西安府知府王紹文議稱西安雖係省城首府承辦公事自與外府不同但二千兩公費為數太多應減去銀一千兩每年止給公費銀一千兩可以足用以上每年共應減銀五千五百兩<sub>臣</sub>等請將應給應增養廉公費飯食銀一萬五千一百六十兩併應減銀五千五百兩統於雍正庚戌年正月為始照數給扣至佐雜等官既已議

給養廉公費凡從前一切陋規俱嚴飭禁革如有私收情弊臣等察出立即嚴叅究擬再查布政司減去養廉銀四千兩係張廷棟從前詳議之案是以照議算入應減項下今張廷棟已經解任如新任布政司方覲到任後或有不敷再行

奏請合併聲明所有遵

旨議給陝省各屬未給養廉公費之首領佐雜等官銀兩併應增應減各數目謹備繕清摺恭呈

御覽是否合宜臣等未敢擅便伏祈

皇上訓示遵行謹

奏

覽佐貳雜職之議尚屬可行其直隸十州榆林等四道  
及各府知府增減之數多寡懸殊似乎不均未悉汝等  
具何意見云然至西安一府為省會首郡據王紹文之  
請遂爾從減能必將來接任之員咸皆如此節儉耶若  
布政司養廉一萬則儘足敷用矣汝等當再加詳議奏

聞身為地方大吏此等細事不能料理允當而必請朕訓示思之寧不愧乎今所屬各員率多供辦軍需非平時可比如俟議定始與養廉必至窘乏難支須一面酌議一面給發可也

雍正七年十二月十五日吏部尚書署陝西總督

臣查郎阿西安巡撫

臣武格謹

奏為奏

聞事竊查陝省解甘軍需驟頭前據甘屬各員報有疲



病生證等情

臣

等隨遴委文武大員分路秉公查

驗復動撥司庫銀一萬四千兩飛飭辦理軍需之  
西安司道碩色等分飭各屬星速購買壯健好騾  
一千頭預備補解各緣由俱經繕摺

奏明今據西安驛傳道趙挺元報稱遵奉檄委卽前  
赴鞏昌府并秦州所屬共十三處逐一細驗前次  
所報病騾內其有病證難以拉車者合算共止有  
六十四頭係該州縣平心開造毫無抑勒等情又

據查南路騾頭之遊擊張思永等會同各地方官  
查驗聯銜鈐印冊報現在病癘騾頭數目與驛傳  
道趙挺元所報之數相符惟冊開尚有堪以調治  
騾十四頭臣思鞏昌府并秦州所屬原報病癘等  
騾六百六頭何以查驗之數相去迥殊恐有以多  
報少情弊適趙挺元事竣回陝臣等面詢一切據  
稱此係

國家大事惟有秉公據實查報不敢稍有瞻徇如果

病癘之騾尚多職道豈肯少報代人受過惟秦州  
禮縣二處有碎小騾數頭雖無病證似覺單弱等  
語<sub>臣</sub>等又思碎小之騾與尚堪調治之騾俱應一  
體補解更換隨將採買預備騾內挑選壯健好騾  
一百三十頭委員管押於二月初五日起解鞏昌  
府清水縣交收補換訖至臨洮府屬廳州縣六處  
原報病騾據署副將席國芳等會同各廳州縣查  
驗冊報實在病騾共八十二頭<sub>臣</sub>等卽照數挑選

壯健好騾於十二月十一日委員解赴蘭州交收  
補換訖其慶陽府屬四處平涼府屬六處原報病  
騾據副將于義等會同各廳州縣查驗冊報實在  
疲病等騾共九十餘頭臣等卽挑選壯健好騾一  
百頭於十二月十四日委員解赴涇州交收補換  
訖查從前因據報病騾過多是以飭行採買一千  
頭今已購買三百餘頭補換卽可如數第解甘病  
癘倒斃以及調治堪用并碎小騾頭雖俱已更換

尚須上緊料理臣等復嚴飭接餉各員及監餉之營將等加意督率餉養併不時密差查察務使廩力壯健可以負重致遠不致貽誤以仰副我

皇上重念軍務之至意所有採買解甘補換騾頭情節數目日期理合繕摺奏

聞伏祈

睿鑒謹

奏

因拽運軍糧騾頭關係匪輕已特降諭旨於查弼納等  
令其再為逐細查驗矣如瘦小不堪者多三百頭仍不  
敷更換迅卽動帑另行購買以濟要需汝等當共相商  
酌遵旨辦理

吏部尚書署陝西總督

臣

查郎阿謹

奏為據咨奏

聞事雍正七年十二月十三日准四川撫臣憲德洛據  
重慶府屬墊江縣報稱十一月初七日據捕役張

岐山稟稱訪得離縣二十里新場地方有忠州來的衆人帶有牌票招人之事未知真偽等語隨即委典史王天篤同駐汛外委唐文彥帶領兵役等密往緝拏卽於初八日清晨獲到人犯楊大銘董先朝黃四鞠永久左亮安徐應詔董世榮董愷董洪仁董汝近黃應舉黃自先田文交田子先黃義黃常黃琰鄭登位黃輝等一十九名馬二匹未裝舊鳥鎗一桿又於楊大銘家搜出硃標紙一條上

寫楊大銘名下招人一百字樣俱獲解到縣隨即  
隔別研訊據楊大銘供稱係江西吉安府廬陵縣  
人剃頭生理雍正五年十月內到新場今年八月  
十一日有墊江人黃四趙汝海董良模董先朝叫  
到董家大灣山上說趙汝海出銀子叫同到渠縣  
去買棉花彼時不肯去九月初六日趙汝海叫左  
亮安來說叫同往忠州去買棉花初七日隨同左  
亮安董老二董子飛趙汝海至沙河沈四家住了



次日同沈四等先至鄧都縣白石了王可久家趙  
汝海同鞠永久父子後到又有墊江縣人何大何  
二何四董先朝董老五黃四又湖廣人陳姓劉姓  
李姓陳裁縫又鄧都縣人張尚志董伯恒張含英  
董二張士林萬輝吉王永久王仲久等共四十多  
人別的不知姓名在大魚寺歇初九日王可久叫  
大家喫血酒發誓結拜了纔說出忠州楊愛嘴地  
方出了楊家將為頭的叫楊成勳他家有金鑲玉

印劉伯溫碑記他第七箇兄弟必要為王送在酉陽司去了那碑記上的話我看了記不得也有鈔了去的這帖子是十月二十九日王可久同一姓陳的與的這兩匹馬是十一月初四日一箇姓劉的同張尚志騎來都在董先朝家住歇至初五日有董愷因從前到白石了去尋馬擾過王可久所以治酒酬他邀我去陪到初七日夜被差役拏了前聽得王可久說招了一萬多人為首的是楊成

勳陳文彬杜炳凡王可久四人叫衆人各先與銀一兩造割付定於十二月在王可久家過年散割正月上成都叫不要備別的器械每人自備鐵標一根曾畫了樣子與衆人看過我不曾製造等語併將董先朝等各犯錄供詳報現獲人犯俱已監禁未獲人犯現在分路飛緝等情同日又准撫臣憲德洛稱據署忠州營守備蔣宏英稟稱十一月十三日准墊江縣移會遵卽密差目兵陳國彥等

十五名扮作商民前往楊愛嘴密躡去後至十六日據忠州差役趙瓊回稱奉差前往行至州役夏魁家說起楊成勲而夏魁云須先問保長陳三捷他若叫去纔可去及到陳三捷家伊已出去正欲轉身忽聽四山牛角聲響隨向一李姓家探問據云或者是吹角拏人不一時只見二人各執牛角行走李姓向前問據稱方纔拏了幾箇人網放在穀倉裏了所以星夜回稟等語因復差兵丁周

國興等間往探信據兵丁岳進美等探稱將細的  
人都放了隨據前差目兵陳國彥等十五名回營  
稟稱離楊家不遠忽聽四下牛角一響突出一二  
百人圍擁在楊成勲家去細綁拷問後面還有兵  
來拏我們否因言我們是來查禁散布謠言不是  
拏人的隨將我們細禁在穀倉內衣服盤費俱已  
搜去至半夜時忽見兩人來解放說楊成勲縊死  
了衆人都散了你們去罷隨將楊成勲兩箇哥子

拏來等語當卽會訊楊成勲之兄楊成賢楊成舉  
據供是陳萬一說有墊江人來云墊江把扯旗的  
人拏了幾箇如今又行文到忠州酆都來拏人兄  
弟楊成勲陳萬一陳文彬等約了七八十箇人及  
網拏兵丁時楊成勲不在家是陳萬一同楊成祿  
莫丁甲併幾箇湖廣人與近隣人等拏的至楊成  
勲回來我父親埋怨了一陣楊成勲就去屋後樹  
上縊死了衆人散了我家並沒有第七箇兄弟等

語一併移咨前來臣查撫臣憲德兩次咨開墊江忠州酆都等屬姦徒楊成勲王可久等捏造妖謠煽結黨羽插血誓盟訂期散劄及見官兵探緝竟敢吹角嘯聚網拷兵丁叛迹顯著不知地方文武平日所司何事除飭取文武各職名至日另行照例

題叅外臣隨即飛移撫提二臣速飭幹員選撥兵役將供出姓名未獲各犯併不知姓名姦徒分路訪

查確實勒緝嚴拏不致免脫漏網亦不得波累無辜至楊成勲乃首惡要犯一見事露勢必潛逃必無自縊之理再所供首逆楊七既稱在酉陽土司處自應嚴查勒獲其玉印碑記等物俱應搜追存貯臣俱飛飭署按察司劉應鼎護重慶鎮印務叅將胡兆吉密速料理外理合繕摺奏

聞伏祈

皇上睿鑒謹



奏

覽奏知道了汝謂楊成勲一見事露勢必潛逃此論是至云首逆楊七既稱在酉陽土司處自應嚴查勒獲等語朕則以為不然試觀楊大銘所供楊成勲家有玉印碑記他家第七箇兄弟必要為王則是謀為不軌明矣該土司若素行恭順斷不敢招納叛逆卽或心懷不逞又豈肯容留無藉之徒而奉戴之乎倘聽信此等荒唐支飾之詞遂向該司勒獲楊七殊非情理之當汝其詳

審虛實斟酌辦理庶期正犯就獲無辜可免波累勿令  
無知將弁孟浪舉動以致滋生事端將朕此諭密速鈔  
寄憲德黃廷桂劉應鼎胡兆吉等一體遵奉

同日又

奏為欽奉

上諭事雍正七年十二月十二日接到撫臣武格恭錄  
奉到

硃批諭旨此案查郎阿理應會審屢次推諉識見甚屬

卑鄙將朕此諭令查郎阿知之欽此臣當卽欽遵訖

伏查本年十一月十一日臣與副都統臣蘇穆爾

吉卓鼐張正文等在臣署議辦旗下事件有撫臣

武格來向臣言莫爾渾一案原奉

諭旨交與將軍常色禮會同查審昨常色禮因前赴涼  
州駐劄曾將此案令巡撫會同何人審訊之處具  
奏奉

旨承審之處與常色禮無涉欽此今將軍常色禮差家

人將奉

旨緣由傳知所以特來商量如一同會審可以不必具奏如不會審我卽當請

旨等語臣隨向撫臣言莫爾渾之案原係常色禮與你二人奉

旨會審之事我未奉

諭旨不敢擅專今常色禮既赴涼州應會同何人審理之處你該請

旨為是隨經撫臣武格繕摺具

奏今奉

硃批諭旨

臣前已准大學士

臣

馬爾賽等密信內奉有

訓旨

臣

當恪遵秉公會審據實具

奏外所有撫臣武格敬錄奉到

諭旨

臣

謹欽遵

奏明伏祈

皇上睿鑒謹

奏

一味偏於拘謹其奈汝何總緣為已得失利害之念重  
為國竭力致身之念輕遂至事事物物無往而非進退  
維谷之境矣能於本體講求得法其用自然充裕若不  
論經權但欲卸責於人殊不知終歸為已身之累也戒  
之誌之

雍正七年十二月十八日吏部尚書署陝西總督

臣查郎阿西安巡撫臣武格謹

奏為欽奉

上諭事竊照雍正七年陝省西安等府州各屬秋成分

數經臣等繕摺

奏報欽奉

硃批諭旨臣等跪讀之下仰見我

皇上敬

天勤民至誠至篤又蒙

聖恩啓迪臣等共矢公忠屏除私念以敦感召之本以

裕衣食之源

臣

等心非木石敢不痛自修省誠心

致禱以期雨暘時若五穀豐登伏思本年收成較

之往年原覺歉薄

臣

等各有封疆之責能無悚切

中心今仰賴

聖主福庇西地冬雪旣已霑足

臣

等惟有恪遵

訓諭誠求感應用以下盡

臣

悃上慰

聖懷而已所有原奉

硃批諭旨理合繕摺恭繳伏祈



皇上睿鑒謹

奏

誠求感應豈易言哉若不能直抒一派公忠祇以利害榮辱私心將之任竭惓忱未能感召也必也文武各盡其職兵民各得其所事事井井有條政令秩然不紊閭里恬熙太和翔洽此真祈禱良術試行看

同日又

奏為欽奉

上諭事竊臣等前據西安各府州屬申報得雪日期分

寸經臣等繕摺

奏報奉到

硃批朕為陝省農田雨雪夙夜廼念延安等府既於九月內得霑膏澤乃復隱而不奏殊不解汝等具何肺腑也欽此臣等跪讀之下惶悚無地伏思我

皇上宵旰勤求時刻以民生為念而西地冬雪尤關緊要是以

聖心眷注更殷今延安府屬九月內旣經得雪理應隨

時具

奏乃臣等以為延安逼近邊塞氣候寒冷得雪甚早

又因西安各屬尚未得雪以致

奏報稍遲此皆

臣等愚昧實難辭咎今欽承

重任豈肯濫畀愚昧之人乎汝等不學無術輩但宜本

訓旨祇有事事敬體

諸誠實何以文為

聖衷以盡臣心之駑鈍而已臣等謹將原奉

硃批諭旨繕摺恭繳伏祈

欽定四庫全書

刑部  
刑部  
卷二百三上

六十三

皇上睿鑒謹

奏

覽

吏部尚書署陝西總督臣查郎阿謹

奏為奏

聞事竊臣准四川提臣黃廷桂咨稱查得重慶鎮標左營遊擊保璠貪婪為心目無法紀前於署黔彭營遊擊任內與所轄酉陽司私書往來蹤跡詭秘始

而利其財物假以交好為名繼因會審李文海具  
控冉土司之子冉廣烜姦佔董昌規之妻為妾一  
案挾勢勒索或措求銀兩任飽谿壑或收受騾馬  
徵及婢女且恣取鎗犬縱情遊獵罔恤兵艱種種  
不法實難枚舉似此罔利營私行同鬼蜮蕩檢踰  
閑莫此為甚茲准護重慶鎮印務叅將胡兆吉揭  
叅前來與本提督訪聞無異斷難一刻姑容相應  
移咨恭候主稿會叅請

旨革職嚴審究擬以警官邪除行文重慶鎮照例羈候  
外至冉土司的係何名查該護鎮文內並未聲明  
俟行查至日另咨等因復據護鎮胡兆吉揭報到

臣臣查遊擊保璠款惡多端賊私纍纍誠不可一

日姑容而冉土司夤緣行賄亦應一併叅革究擬

臣因查酉陽冉土司名係冉元齡盤踞酉陽素不

安分且查川省墊江忠州酆都等屬姦徒楊成勲

王可久等結黨散劄一案據供楊成勲家有金鑲

玉印劉伯溫碑記他第七箇兄弟楊七必要為王  
送在酉陽司去了等語經臣繕摺

奏明則冉元齡窩藏首逆之罪更不止於行求納賄  
實難疎縱養姦應卽嚴行叅究今提臣黃廷桂以  
冉土司的係何名俟查明另咨等語臣雖檢查冉  
土司之的名乃係冉元齡而提臣咨內未據聲明  
不便含混具

題除飛移提臣黃廷桂查取冉土司的名至日會疏

題叅請

旨將保璠冉土司一并革職究擬外

臣謹先行繕摺奏

聞伏祈

皇上睿鑒謹

奏

此事候朕另有諭旨又係不當嚴而嚴之舉也不審事  
之來歷情之重輕率意辦理胡能免顛倒錯亂之失非  
過則不及奈何奈何





硃批諭旨卷二百三上

# 欽定四庫全書

史部

硃批諭旨卷二百三下

詳校官尚書臣德保

編修臣裴謙覆勘

總校官中書臣朱鈐

校對官典簿臣郭祚熾

謄錄監生臣陳際龍

欽定四庫全書

硃批諭旨卷二百三下

硃批查郎阿奏摺

雍正八年正月初四日吏部尚書署陝西總督臣

查郎阿謹

奏為奏

聞事雍正七年十二月二十六日據辦理噶斯軍需甘

肅布政司葛森等呈稱會查得京城官兵至肅州

出口應給馬八百八十六匹又馱運放卡安臺需用帳房鑼鍋馬十七匹共馬九百三匹奉文行令採買預備因本年大兵出口需用馬匹甚多俱在西涼等處沿邊一帶採買無餘此時卽用重價亦難得臆壯之馬若買蒙古馬匹目今天寒草枯正在疲瘦之時餵養驟難長臆均屬緩不濟急惟有購買臆壯騾頭易換明春押糧兵丁之馱載馬匹在兵丁亦所樂從似此通融辦理方可濟用應於

西安甘肅二省採買正騾九百三頭再買餘騾七十頭以備添補之用統於部撥軍需十萬兩內動用等情到臣臣查兵丁馱載馬匹今春正二三月內分起押送糧車起程前赴巴爾庫爾卽於此項馬匹內挑選精壯之馬為大兵進剿之用關係重大不便以騾易換相應仍令葛森等在沿邊一帶作速儘數購買馬匹縱新買之馬尚無臃息然約計京城官兵須於三月底到肅目今猶可隨買隨

卷二百三下  
餵以期長臚足用至出口駐防之時已屆四月口  
外青草發生牧養亦易倘買不足數卽於附近之  
存營馬匹內摘撥以足九百三頭之額其摘撥空  
缺之馬仍照例每馬一匹給銀八兩令各營陸續  
買補均無貽誤除一面咨明

欽差總理稽查軍需兵部尚書臣查弼納等查照并飛  
飭葛森等星速加謹辦理外理合繕摺奏

聞伏祈

皇上睿鑒謹

奏

所議甚屬可嘉於此奏未到之先已有旨矣

雍正八年二月初五日吏部尚書署陝西總督

臣

查郎阿謹

奏爲欽奉

上諭事竊臣前因承審莫爾渾一案經臣繕摺回奏今

奉到



殊批一味偏於拘謹其奈汝何總緣爲已得失利害之  
念重爲國竭力致身之念輕遂至事事物物無往而  
非進退維谷之境矣能於本體講求得法其用自然  
充裕若不論經權但欲卸責於人殊不知終歸爲已  
身之累也戒之誌之臣跪讀之下悚惶無地伏  
念臣之一生本屬拘謹之人又因責任重大雖勉  
竭駑駘常覺才識未周心力未逮誠如

聖諭事事物物無往而非進退維谷之境今欽承

訓旨至殷至切臣祇有恪遵

聖訓鏤心刻骨改過自新講求本體竭力致身以期臣

職之靖共以答

君恩之高厚而已所有原奉

硃批奏摺理合恭繳伏祈

皇上睿鑒謹

奏

拘謹二字不過為一身得失利害起見正乃私心之根

帝也當竭力剔除

雍正八年二月二十八日吏部尚書署陝西總督

臣查郎阿謹

奏為奏

聞事雍正八年二月十三日督臣岳鍾琪衙署據報失

火臣隨卽飛騎前往查係二門內大堂之東四川

書辦房內火起延燒房屋臣與撫臣武格率同標

下將備督令兵役協力救護登時撲滅共燒燬房

屋三間內中題稿文卷亦有被焚者臣前於川陝房各撥書辦照例封鎖看守文卷以備檢查取閱又因文卷關係緊要復不時嚴諭小心火燭加意防範今川省文卷房失火則看守書辦法難寬貸除將書辦寇金聲飭發按察司碩色嚴訊起火確情并查明燒燬卷宗數日照例

題報外所有督臣岳鍾琪衙門書辦房失火情形臣謹繕摺奏

聞伏祈

皇上睿鑒謹

奏

此皆平時疎慢未嘗加意照顧之所致今已灰飛烟滅縱查處一二胥役亦難掩汝面之恥也

雍正八年三月初七日吏部尚書署陝西總督臣查郎阿謹

奏為署鎮袒護徇私謹據實密陳仰祈

聖鑒事竊查寧夏鎮屬石空寺堡守備楊芳因阻撓軍

需羊隻一案經

臣

特疏叅拏所遺員缺卽照會寧

夏鎮

臣

張善揀選合例人員呈請委署去後茲據

鎮

臣

張善呈稱遴選標下左營千總陸清堪以請

委等情臣查千總陸清係拆毀阿寶額駙房屋案

內經

欽差兵部侍郎

臣

通智

奏明奉

諭旨著張善嚴加查處欽此隨經鎮臣張善查明陸清  
係總理查看牧駝之弁乃縱容所帶兵丁住居作  
踐相應責處記過以策後效所有拆毀房屋門窗  
仍著陸清等賠修完固以儆疎忽等情呈報在案  
則千總陸清方當責處記過之後若遽行委署守  
備何以昭示勸懲且聞陸清卽係寧夏人家道殷  
實乃鎮臣張善之親戚何以不顧公論任意徇私  
顯有情弊除一面嚴行飭駁另移甘提臣宋可進

揀選合例人員署理外臣伏思鎮臣張善身受

皇上簡任封疆重寄理應感戴

天恩實心任事乃敢違例妄行徇私作弊深為負

恩宜乎不能整飭屬員於軍需事件安心玩視也臣見

聞既確未便以張善調任安西稍為徇隱謹善摺

密

奏應否具疏

題叅之處恭請



訓示遵行謹

奏

張善原不妥協器具狹小為人善柔緣大將軍岳鍾琪越格保薦而委任者即今安西之調亦因奏稱勝任故也伊隨岳鍾琪周旋甚久或另有深知灼見方如是推獎但朕目中殊未覩所長且試用看奏內情節知道了

雍正八年三月十三日吏部尚書署陝西總督臣

查郎阿西安巡撫臣武格謹

奏為奏

聞事竊臣等於三月初七日將陝屬兩次得雨日期分寸繕摺

奏報之後隨於初九初十十一等日連得時雨入土一尺有餘土膏透潤麥豆秀穎詢之農民咸稱民間多喜食麥二麥乃一歲日給之本今得此時雨沾足夏收豐獲已定等語所有陝屬地方續次得雨日期分寸雨澤沾足情由理合繕摺奏

聞伏祈

皇上睿鑒謹

奏

得雨日期分寸以手加額覽之畿輔地方自春徂夏風  
霾時起大有旱徵朕憂心惄如西顧陝省尤深繫念今  
爲此奏解釋大半矣

再者聞知州張勤寵貪飲廢事聲名不堪汝二人亦知  
之否耶

吏部尚書署陝西總督臣查郎阿謹

奏爲欽奉

上諭事雍正八年二月二十七日奉到

硃筆諭旨一道并

敕發廣東督臣郝玉麟密摺一件臣跪讀

諭旨并詳閱摺內匪類造言煽惑情節仰見我

皇上睿算周詳防微杜漸仁育義正胞與爲懷之至意

臣伏思人雖至愚孰不自愛身家自惜身命祇因

一二匪類捏造神奇異之說足以駭人聽聞遂至受其煽惑墮其圈套日積月累迷而不悟以致糾集黨羽夜郎自大迨一朝發覺而刑戮隨之并其父母兄弟妻子宗族人等俱罹法網誠如

聖諭匪類之爲害甚於盜賊也凡有民社之責者均當留心察訪思患預防況督撫大臣身膺封疆重寄尤當先事預籌加意整飭至於川陝巖疆更非他省可比地方遼濶幅員最廣內而民生商賈外而

邊隘番夷宵小易於藏姦愚頑最能滋事全在實  
心查察竭力防範使匪類無容身之地善良有自  
得之大方於地方有益臣於署理督篆任事之初  
業經通飭各屬嚴行保甲慎重汛防禁緝妖謠查  
拏地棍各在案今欽承

諭旨訓示至周至備臣益當恪遵

聖訓竭力勉爲隨會同撫臣互相稽察於文武大小員  
弁晉謁時即諭以嚴查匪類寧謐地方果能於所

屬境內不時留心嚴行巡緝自有鼓勵之道如敢  
虛應故事經別案發覺或被別屬查拏定以踈縱  
窩藏叅究臣又思預消弭患之法莫善於保甲而  
保甲之法又在分定月日分定地方嚴立賞罰以  
專責成以昭懲勸現在詳議條目分別賞罰數目  
再爲通飭三省遍貼鄉村城市務使家喻戶曉法  
在必行倘不肖官吏仍敢陽奉陰違始則記過繼  
則叅革以爲玩忽者戒如果查拏具報輕則記功

重則保薦以爲勤慎者勸其巡役防汛以及保長  
甲長人等之賞罰亦如之臣愚以爲如此辦理則  
立法既嚴查察自密各甲各保無不照例奉行庶  
幾匪類斂跡不敢爲非將見比戶可風地方寧靜  
長享昇平之福矣所有奉到

硃筆諭旨理合繕摺

奏繳伏祈

皇上睿鑒謹



奏

據奏現在詳議條目分別賞罰通飭三省遍貼鄉村城市務使家喻戶曉法在必行等語若然則曷勝其紛擾耶保甲社倉二事固為古今致治良法然必待有猷有為有守熟悉地方情形之人且具有踴躍從事之心方可舉行非可以勢驅力迫而奏效者今司府不知感畏督撫百姓不知愛戴州縣胥役兵弁視文武大小各官直同兒戲乃欲嚴繩以法而冀臻比戶可封之隆盛何

不自忖量至於此極也如欲借嚴保甲以稽察匪類祇宜密諭屬員相機為之不時留心體訪一有拏獲即示以獎勸如斯而已況正在軍需之際事務浩繁無故又申一番功令是豈寧帖地方之道朕實為汝等憂之隨波逐流毫無定見如何如何

同日又

奏為請

旨事竊查陝甘所屬各標營派調領兵出征之副叅遊

守等員所遺汎務俱已委署有人惟安西鎮屬沙  
州協原派出征副將張豹前因甘屬派留糧運官  
兵議於今春出口復經寧遠大將軍臣岳鍾琪酌  
留署涼州總兵印務興漢鎮臣曹勣同副將張豹  
至期管領前進今糧運現在出口副將張豹已遵  
檄前來統領其所遺副將印務前未議有委署之  
人臣查副將乃係大員責任綦重正在一面遴員  
委署咨會寧遠大將軍臣岳鍾琪間忽據安西鎮

標中營遊擊衛維康報稱奉西安鎮委令署理沙  
州副將等語臣查委署之例自遊擊以上大員皆  
由提臣揀選咨會督臣委署從無鎮臣自行委署  
之例且署安西鎮臣袁繼蔭既未將沙州副將印  
務照例呈請揀委及自委遊擊衛維康署理之後  
又無一字呈報況沙州係新闢重地必須幹練之  
員綏輯兵民整理稽察方於汛守有益查遊擊衛  
維康才具未見優長亦難勝任臣因邊防重大加

衛維

康甚好乃朕記名上等之員汝因未見其人所以

未知其長也袁繼蔭所委尚屬不謬但未經呈報有違  
定例為不給耳費上志亦係好員較之衛維康似覺少  
營伍辦事勤慎守亦可取以之署理沙州副將似  
遜汝於二人中斟酌委署

屬相宜當即檄委費上志前往沙州暫行接署外

臣謹繕摺具

奏所有沙州協印務或蒙

特簡人員署理或即令費上志署理之處恭請

訓旨遵行再遊擊費上志如蒙

聖恩准其署理沙州副將其靖逆營遊擊印務臣即照

照例

行遞行委署以專汛守為此繕摺請

旨伏祈

睿鑒謹

奏

覽

雍正八年四月十三日吏部尚書署陝西總督兼

署西安將軍臣查郎阿謹

奏為欽奉

上諭事竊臣前因滿州八旗官兵按期操演及應行訓飭應行甄別各事宜繕摺具

奏欽奉

諭旨愷切詳明至周至備臣跪讀之下仰荷

聖主教誨啓迪不啻

面命耳提無微不至臣何人斯乃蒙我

皇上訓勉開導懇摯諄篤一至於此臣伏地飲泣幾不

能言惟有恪遵

聖訓加意奮勉時時仰體

聖心事事求其至當勤加訓練次第漸摩啓其為善之心予以自新之路嚴立賞罰昭示勸懲務期人人洗心滌慮爭自濯磨相率而歸於祇父恭兄忠

君親上之道以仰報

聖主養愛惜之仁如此則臣心方可少安臣職方為無忝至於善柔適足以滋事姑息更易於長姦若徒事寬容沽名釣譽尤為負



自雖謂不放萌心朕則以為實有此行

思溺職臣實不敢萌諸念慮況水弱火烈古有明徵當

且錯會朕意矣此一語朕經向在廷諸臣反覆辨析不

啻數四汝於彼時諒亦與聞今皆遺忘乎竝未嘗論汝

等一求崇尚嚴刻但命秉公懲惡不避宵小之怨恨耳

豈有令善不善者悉皆抱憾而後以為稱任盡職之理

洪仁之高厚而已除一應事宜次第舉行八旗官員詳

觀所議論殊屬賢買之極

加甄別另摺

奏請外所有原奉

諭旨理合繕摺恭繳伏祈

皇上睿鑒謹

奏

誨爾諄諄聽我藐藐云如之何

雍正八年四月二十八日吏部尚書署陝西總督

臣查郎阿謹

奏爲奏

聞事竊照雍正八年分甘屬額徵錢糧欽奉

諭旨悉予蠲免

聖主浩蕩洪仁有加無已甘省子民莫不含哺鼓腹共  
慶生成而地方牧民之官尤當敬體

聖天子惠愛元元之至意實力奉行加意撫綏方於邊  
郡民生實有裨益無如所屬有司往往奉行不善  
每多擾民之病茲於本年四月二十三日據渭源  
縣詳稱歸并臨屯西票各寨屯民陸光宗等自雍  
正五年分歸渭源管轄迄今四載所有雍正五年  
六年七年未完折色銀三百餘兩未完本色糧一

千二百餘石自開徵至今抗不赴縣輸將及至催頭差役下鄉催輸而陸光宗等刁頑不法相率五十人混嚷口稱投歸狄道抗不遵拘等情詳報前來臣思甘省錢糧係按年估撥兵餉關係支放何得拖欠累累任意頑抗誠難輕縱以長刁風第查甘撫臣許容因詳請不敷兵餉等事一案自雍正三年起至雍正六年止將本省本年額徵銀兩照數全撥兵餉而每年各有未完民欠經前任布

政使鍾保等將應扣朋建銀兩借墊供支共那動  
朋建銀一十三萬八千餘兩

題請將各年未完民欠銀兩勒限一年責令布政使  
孔毓璞照數催徵補項等因嗣經甘撫臣許容通  
飭各屬凡歷年舊欠錢糧趁此

皇恩蠲免新糧之際立限四月完半九月全完倘不能  
如數徵起定拏親信家人同經承赴轅究比等因  
臣伏思未完民欠關係兵餉自應催徵補項但欲

以一年而清數年之舊欠全在賢能州縣勸諭設  
法寓撫字於催科使小民踴躍趨事輸將恐後方  
爲持平辦理如遇不肖官吏唯恐嚴限緊迫或完  
不如數則家人經承難免提拏究比遂徒事敲撲  
任意催追無怪乎渭源屯民有抗糧混嚷之報臣  
愚以爲頑戶抗糧固應嚴加懲治有司之催徵無  
術亦難寬宥姑容而撫臣許容提拏家人經承究  
比之檄飭殊非立法之善者也臣因密札致撫臣

令其善為料理務使地方寧靜徵輸無誤外所有

渭源縣屯民陸光宗等抗糧情節臣謹繕摺奏

聞伏祈

皇上睿鑒謹

奏

許容於此一事局度狹小識見卑鄙曷可勝言候另有  
諭旨頒發

同日又

奏為欽奉

上諭事竊

臣

前將四川各標營兵丁演習軍器事宜繕

疏

題報今准兵部咨雍正八年三月十二日奉

旨查郎阿原奏內稱步兵弓箭鳥鎗手於鎗棒二項應聽伊等自行學習至藤牌一項軍中固不可少亦不必專兵學習有願習者仍聽演用等語夫藤牌既為軍中所不可少何又云不必專兵習學既不必專兵



習學而又云有願習者聽其演用兵丁技藝全在訓練督率況於本分之外未有禁兵丁不許復習他技之條也倘願習者乏人則又徒托空言於軍務有何裨益查郎阿所奏前後自相矛盾甚屬支離背謬而部覆之駁令定議則暗令禁兵丁分外習他技之論也亦屬糊塗將原本發還著查郎阿另行具奏欽此計發紅本一箇粘單一紙等因移咨到臣臣跪讀諭旨仰見

聖鑒周詳而臣議奏之時未經備細分晰實屬背謬伏查陝甘二屬議派兵丁操演事宜經督臣岳鍾琪酌定疏稿移臣具

題嗣准部覆照議分演在案其四川省屬兵丁應如何操練用何軍器之處臣恭繹

上諭奉有因地所宜酌定規制之

諭旨而川省兵丁應演之器械是否與陝甘相同未便槩定臣因移會撫提二臣并將陝甘議稿錄送以

便叅酌定議節准撫臣憲德提臣黃廷桂等議稱  
川省係苗疆重地應照沿邊省分定例每兵一千  
名設立烏鎗四百桿同弓箭礮位二項俱應專兵  
熟演其長鎗棍棒亦照陝甘之議令馬兵兼習遇  
有行走攜帶馬上以備兼用至剗刀一項向係專  
派守兵演習因川省林深箐密剗刀可戳可斫轉  
折捷便又可護衛礮位應仍令派兵專演惟藤牌  
一項川省止有提標設立二百面應行加謹收貯

如步兵弓箭鳥鎗手有願兼習者仍聽其演使不  
必按兵分派等因臣查憲德黃廷桂所議應設鳥  
鎗數目同弓箭礮位專兵演習并令馬兵兼習鎗  
棒之處俱屬允協而副刀又為川省利用之器議  
令派兵專習是即因地所宜亦於營務有益惟籐  
牌一項既稱止有提標設立二百面不必按兵分  
派聽願習兵丁自行演習臣因思川省地勢山嶺  
險峻道路崎嶇密菁深林籐牌或難施展從前各

標營俱未設立者或亦職此之故至於步兵技藝除弓箭鳥鎗之外其行走之際鎗棒等械難於攜帶是以各照所議并將籐牌一項俱不派兵專演而臣於

題報疏內未經詳細分晰聲明又以籐牌爲軍中固不可少實皆臣之疎忽誠如

聖諭前後自相矛盾甚屬支離背謬也今臣欽遵

諭旨復加斟酌如前議馬兵弓箭鳥鎗手兼習鎗棒應

令於操演之時與專習之弓箭鳥鎗一體訓練各臻純熟以資兼用再步兵弓箭鳥鎗手於行走之際難以攜帶他物其鎗棒等械應請仍照原議令其自行兼習至提標原設籐牌二百面應於提標額設守兵六百八十三名內派兵二百名專習籐牌務令操練精熟遇有行走自可備用除將原議情節并現今遵

旨另行議奏緣由容臣於本內聲明具

題外臣謹繕摺恭

奏伏祈

皇上睿鑒謹

奏

類斯題覆事件何必又多一番煩瀆諒將曩日在廷目擊朕之萬幾紛繁刻無寧晷情景舉皆忘之矣似此毫無愛君之誠但顧一己之得失一身之利害豈查郎阿從前心志果盡改易耶

雍正八年五月初四日吏部尚書署陝西總督臣

查郎阿西安巡撫臣武格謹

奏爲欽奉

上諭事雍正八年四月初二日奉到

硃批諭旨聞知州張勤寵貪飲廢事聲名不堪汝二人亦知之否耶欽此臣等跪讀之下仰見

聖主明照四方無遠弗届伏查直隸興安州知州張勤寵上年因公來省晉謁之際臣等以該員世受



國恩務須努力向上潔已愛民恪勤任事等語諄諄  
勸勉而張勤寵亦稱自當勉勵報效誰料性耽麪  
藥嬾於辦事雖興安一州地僻事簡無甚繁重之  
案而日行事件竝不留心辦理每多廢弛訪其作  
爲惟以唱戲飲酒爲事所屬縣官等因公稟謁不  
得即見必守候日久方得進見而於屬員所稟一  
切地方事務亦不著意又聞於本年二月間生日  
屬員赴州祝壽連日演戲飲酒不顧公事則其怠

言也  
事貪飲聲名狼籍實有忝於民牧臣等因興誠哉安離  
省頗遠猶恐所聞未確正擬會商訪查的實繕疏  
等苦束朕自諒之  
糾參適奉

諭旨始知已蒙

睿鑒除一面繕疏

題參外所有原奉

硃批奏摺理合恭繳伏祈

皇上睿鑒謹

奏

卿等能如是精明察吏朕焉有不嘉悅者乎實代汝二人愧赧無地

同日又

奏為奏報動用公用銀兩事竊查雍正六年分動用  
西安布政司庫貯公用銀兩前據西安解任布政  
司張廷棟造冊分送查核隨經寧遠大將軍臣岳  
鍾琪令將養廉公費地方公用并安藏軍需預備

西路軍需案內動用銀兩各另分案查造核銷不  
便牽混復據張廷棟查明案次分晰造冊呈送寧  
遠大將軍臣岳鍾琪查核又據新任布政司碩色  
造冊呈報臣等核銷前來臣等查雍正六年分舊  
管新收二項共公用銀三十一萬九千三百四十  
三兩零內共動用過銀二十六萬三千三百五十  
三兩零臣等隨將從前詳請原案照數查核均屬  
相符尚應實在餘剩存庫銀五萬五千九百九十

兩零應徵雍正四五六等年民欠未完耗羨銀一  
千五百三十九兩零統於雍正七年動用公用銀  
兩案內另行

奏報外所有雍正六年分地方公用并安藏軍需西  
路軍需各案內動用西安布政司庫貯公用銀兩  
并支收細數臣等謹分案繕造清摺恭呈

御覽伏祈

皇上睿鑒謹

奏

此不過一筆花賬朕何暇觀覽不在奏與不奏惟在秉公查核將來不致被人檢點爲要耳倘少有不符曾奏過三字豈遂足以卸責耶

雍正八年十月二十六日吏部尚書署陝西總督

臣查郎阿西安巡撫臣武格謹

奏爲奏

聞事竊查陝屬地方秋時得雨二麥播種情由臣等前

經具

奏在案今節據延安鳳翔等各府州屬報稱所屬地方俱已得雪積地自六七寸以至一尺有餘不等臣等正在繕摺恭

奏間而西安府屬并各州屬亦於十月二十一日咸得瑞雪積地有五六寸農情歡洽共頌

上天錫佑

垂鑒

聖主愛民之仁冬雪及時麥根滋潤豐登預兆稱慶同  
聲所有陝屬得雪分寸情由理合繕摺恭

奏伏祈

皇上睿鑒謹

奏

陝屬得雪情形知道了不可少肆厥志敬之慎之

吏部尚書署陝西總督臣查郎阿謹

奏為恭謝



天恩事雍正八年十月十七日准部咨欽奉

上諭尚書查弼納著馳驛即速來京另有交辦事務西路軍需諸務著署督查郎阿前往肅州辦理仍兼理川陝總督印務秦布著即回西安將軍之任護軍統領哈爾吉著前往涼州代秦布統領兵丁仍著鄂善協理欽此臣隨即欽遵將軍需冊檔併臣衙門應帶卷宗俱各逐一檢查齊備於十月二十六日束裝起程併將起程赴肅日期另疏

題報外伏查西路一切軍需荷蒙我

皇上睿謨廣運

訓示精詳凡糧運兵馬各項事宜莫不上承

宸算籌畫萬全今因尚書臣查弼納另有交辦之事馳

驛進京其軍需諸務需人辦理乃蒙

聖心眷注以臣猶堪驅策令臣前往辦理西路軍需諸  
務仍兼理總督印務臣上荷

殊恩膺茲重任敢不竭此愚誠勉盡駑駘祇有事事恪

遵

訓旨加意慎重實力料理期於糧運毫無貽誤軍需辦

理妥協以上副我

皇上委任之

洪仁而已所有微臣感激愚衷理合繕摺恭謝

天恩伏祈

睿鑒謹

奏

勉之必使所屬各員心悅誠服畏威懷德諸務方克有  
益蓋地不一處事復多岐獨運智力萬難遍及然非濟  
之以公明亦何能收臂指之效也須竭力黽勉以求其  
本

雍正九年二月初七日吏部尚書署陝西總督臣

查郎阿謹

奏為准咨密陳恭請

聖鑒事竊照巴爾庫爾軍營因逆夷猖獗節次派撥兵

丁前赴應援臣隨酌派預備軍需事宜五條繕摺  
奏

聞辦理今於雍正九年正月初七日准甘撫臣許容來  
咨據署鞏昌布政司趙挺元詳稱奉派製造火藥  
鉛彈各十萬斤查火藥內所用物料如硝磺二項  
蘭城素不出產今欲辦十萬斤之多一時難以猝  
就懇即咨移一併飭令西安藩司在於陝省現有  
之火藥鉛斤內製造解送等情移咨令臣酌定辦

理伏思鉛藥乃軍營必需之物查寧遠大將軍臣  
岳鍾琪議奏續增款冊內開准部咨欽奉

諭旨以行陣火藥最爲緊要應多爲製備隨經岳鍾琪  
欽遵轉飭在於蘭州司庫軍需銀內動給銀兩令  
各領兵鎮將在甘屬就近製造一體報銷在案況  
陝省各州縣儲備之鉛藥所需硝磺鉛斤俱從別  
省採買原非本地出產之物且自大兵出口裹帶  
之外續用之處甚多各州縣原貯鉛藥已屬有限

自不便統於西安預備製造致滋偏重糜費趙挺  
元現署藩篆奉文之日即應詳委文武妥員請給  
印文印票赴鄰省購料製造何得以硝磺二項蘭  
城素不出產為詞臣即於咨復撫臣文內嚴飭趙  
挺元併令作速遴委幹員採買物料回日即會同  
營員設局製造以重軍需如再推諉當即會叅等  
因咨令撫臣許容速飭辦理在案迨寧遠大將軍  
臣岳鍾琪到肅向臣面言前過蘭州時巡撫許容

因製造鉛藥一事將臣申飭趙挺元之文以為有意駁他與彼不存體面大有抱怨之詞臣聽聞之下深為駭異竊思督撫為封疆大臣且現在辦理軍需更宜和衷協力方於軍務有益今以臣分省製辦之鉛藥趙挺元欲推諉西安製造冒昧具詳而撫臣許容既不就近駁飭又復據詳率咨及臣將趙挺元駁飭竝未干涉撫臣一語乃撫臣許容輒以此猜嫌疑忌殊非慎事辦公之道現今軍務



殷鑒臣何敢以此瑣屑之事上瀆

聖聰第撫臣許容既有抱怨之言臣不敢稍為徇隱謹

繕摺密

奏伏祈

皇上睿鑒謹

奏

克信己之公正何妨人之猜嫌此奏甚失大臣之度有違和衷之道朕殊不取

雍正十年四月十一日吏部尚書署陝西總督臣

查郎阿謹

奏爲

聖德感孚甘霖時沛恭摺奏報事欽惟我

皇上敬

天勤民若保赤子頻頌

諭旨誥誡臣工務令先事圖維痼瘼乃身奉公殫職仰

見

欽定四庫全書

硃批諭旨

三十一

聖主至誠惻怛諄切懇摯伏查陝甘二省民人素常食  
麪全資二麥茲當春夏之交正麥苗萌生秀長之  
候土膏尤宜滋潤今據陝省之西安延安鳳翔漢  
中榆林等府屬併直隸邠乾等各州屬節次摺報  
於三月初三初四初五初十十一十二二十以及  
二十一二十七等日各下雨下雪分寸多寡不等  
入土四五寸至一尺有餘四野霑足等情又據甘  
省河東河西各府州屬節次報稱於三月初十日

十一日十二日十七日二十日二十七日各得雨  
雪入土深淺不等俱各普遍等情至於肅州地方  
現今渠水暢流又於四月初六初七兩日細雨綿  
綿入土深透其甘州所屬亦於初六日得雨雨勢  
甚廣詢之農民咸稱甘雨應時於麥田甚有裨益  
俱各勃然秀發等語此皆由

聖主感格

天心是以陝甘二省霖雨普霑軍民胥慶理合繕摺奏

聞伏祈

睿鑒謹

奏

全陝獲霑

天澤深慰朕念以手加額覽焉

雍正十年閏五月二十四日吏部尚書署陝西總

督臣查郎阿謹

奏爲奏

聞事竊查陝甘為邊疆重地兩提八鎮士馬殷繁營伍事宜最爲重大而額設馬匹尤關緊要正值軍興之際不時摘撥調遣更須加意餽養務使臚肥壯健則緩急足恃行走有資臣於陝甘各標協營時加嚴飭不憚三令五申但地方遼濶營汛繁多全在提鎮大臣實心宣力共矢忠誠慎重料理方得收其實效然求其妥協周備殊非易事即如駐甘之延興二鎮官兵調赴軍營所需馱載馬在於甘

提標摘撥二千匹查甘標存營之馬尚有三千餘匹於此中摘撥二千匹似易為力及甘提臣宋可進准咨之後以馬匹臚次俱減不能如數摘撥一面

奏明於西寧鎮摘撥七百匹大通鎮摘撥三百匹甘標僅摘一千匹乃到肅後臣親為查驗此一千馬內尚有疲瘦者又挑去一百九十匹於駐肅滿兵馬匹內照數撥給方得出口彼時理當叅奏因思

甘提臣宋可進久任邊疆整理營伍老成歷練平

日操兵訓士亦甚實心臣所以知而未參隨專札

汝當

嚴

行申飭朕亦密諭訓誠

但宗可進何敢玩忽至

如此切致囑其勤加振作詳慎辦理在案查各營馬匹

如此

之甚或其中

有下得已別情亦未可定

冬季料草銀兩例於十月初關領其春季料草銀

兩例於正月初關領惟是秋間料豆登場草束衆

多之時物價自各平減至冬天則漸長至春天則

更昂兵丁領到冬季餉銀即及時購買已不比秋

間若領到春季餉銀更難免重價覓買臣再四思



維莫若將冬春二季應支草料銀兩統於七八月間令各標營全行領回趁物價平賤之時採買齊備俟十月初一收槽則處處攢槽餵養合之原估額設之本色料草儘足飼餵飽騰此項料草銀兩專交各提鎮遴選廉能之將弁及時採買經理督餵臣復不時委員查驗如有漫不經心不能起廩或致疲瘦者據實稟報叅拏嚴究倘提鎮稍有瞻徇亦一併嚴叅如此料理則兵丁飼餵有資既無

苦累將備分任辦理各有責成實於馬匹軍務均有裨益除一面移行辦理外所有預支料草銀兩於價平時先期購買緣由臣謹繕摺奏

聞伏祈

皇上睿鑒謹

奏

覽

同日又

奏為密陳臣惓仰祈

聖鑒事竊惟西塞用兵機務重大臣駐劄肅州疊奉

諭旨屢接

廷議仰思

聖主之宵旰憂勤籌畫機宜

訓諭誥誡者已無微不至

廷臣之宣猷協贊委曲詳議者亦無所不周徼臣身

任封疆辦理軍務受

思高厚未報涓埃而清夜自思上念

國體之所關邊庭之攸繫何以進取而勦除何以安  
邊而守固每至廢寢忘餐坐卧不能安席况軍機  
事宜何等關係臣忝爲大臣不能少爲

君父分憂少爲

國家出力并不能少陳一知半見以仰贊

高深臣實慚愧無地臣實恐懼不遑此臣之隱衷臣之

愚悃有不能自己者伏思巴爾庫爾軍營其將士

之局面兵馬之情狀與夫塞外之地方形勢臣住  
肅兩年密邇軍營時刻留心察訪頗知備細亟欲  
敬效惓忱而事關機密非奏牘所能詳載茲查目  
下軍需事件俱有就緒甘涼肅駐防官兵派調赴  
營早已料理出口其副將軍劉世明等亦已自肅  
馳赴軍營辦理軍務計算時日臣於七月底可以  
輕騎減從馳驛進京

陛見將口內口外一切事務邊方之扼要官吏兵民之

性情凡目之所見耳之所聞心之所知慮之所及  
為摺奏所不能道者均可一一陳奏於

聖主之前仰懇

皇上天恩准臣所請於七月底起身馳驛入

覲親聆

訓諭指示俾臣遵循辦理而臣之深知灼見寸衷微悃  
得以詳悉敷陳以備

採擇冀於軍國重務稍有裨益不負

聖主簡任之恩臣心亦可少安臣職或可無忝至於西路軍需及總督印務有副都御史臣二格孔毓璞可以暫時署理且往返不過兩月之期設有緊要之事仍可於途中隨時酌辦亦不致有貽誤如果審時度勢實不可暫離肅州亦不敢冒昧陳請臣為軍務關係重大心志激切萬難再為緩待不辭冒瀆謹繕密摺請

旨伏祈

皇上睿鑒謹

奏

朕意亦欲見汝但七月間大兵移駐穆壘內外軍需俱  
關緊要汝未便遠離肅州所欲面陳一切機宜可備細  
具摺一一上聞雖不能如口奏詳明朕自鑒悉耳目所  
及縱或有干涉大將軍之言亦不妨直書以奏此際暫  
且不必來京

雍正十年九月十五日署寧遠大將軍臣查郎阿



謹

奏為奏

聞事竊

臣

於本年七月二十二日接奉

諭旨

臣

因統兵任重務期謀出萬全且軍營兵馬情形

須大為振作另行整理其機宜遠大必得跪聆

訓旨指示周詳方得先操勝算是以一心瞻仰馳驛來

京及行至花馬池地方承准大學士臣鄂爾泰來

咨奉到

欽定吉期甚近又欽奉

諭旨隨欽遵回肅而軍務攸關中心日切惶恐自大學

士臣鄂爾泰敬領

諭旨到肅宣布凡內外事件軍務機宜精詳明備仰見

聖明遠照而大學士臣鄂爾泰與臣晝夜面商熟籌機

務凡所教導於臣者洵皆卓識鴻猷極為遠大臣

心領神會諸事明白雖自愧臣才之不如實深幸

臣心之相合從此恪遵

聖主睿謨領略元臣碩畫安邊靖寇計日凱旋曷勝歡

忭謹繕摺奏

聞伏祈

皇上睿鑒謹

奏

所奏欣悅覽之我君臣亦惟有勉盡人力以敬俟

上天慈佑耳卿其勗哉

硃批諭旨卷二百三下